


H. Sax. C

1210



24

FRIDERICO AUGUSTO

REGI SAXONIAE PIO JUSTO



SOLENNIA

SUSCEPTI ANTE HOS QUINQUAGINTA ANNOS IMPERII



GRATULATUR PATRIA EXSULTABUNDA.

AD DIEM XV. SEPTEBRIS M. DCCC. XVIII.

DRESDAE,
LITERIS RAMMINGIANIS.

LIBRARY OF THE UNIVERSITY OF DRESDEN



Cuncta quem laudat celebratque Regem
Terra, nunc lingua est populis canendus
Omnibus nota, et venerandus ille
Carmine sacro.

Sume jam, Clio, citharam canoram,
Namque scis nomen penetrasse terras
Exteras, et quas repetant ubique,
Concine laudes.

Stirpis Augustae populiue curam,
Quam dies noctesque volutat imo
Corde, nunc fas est celebrare; discant
Postera saecla!

Maxime clemens, pietate clarus,
Justus, affectans aliena nunquam,
Nec suo exemplo moderans minus quam
Legibus aequis

His decem lustris regit et tuetur
Saxonum gentem, vigilique cura
Usque adhuc tristi reparat salutem
Sorte caducam.

En! nova exurgit patria, et renident
Inclyti nostrae patriae penates,
Regis hoc munus sapientis est, cui
Corda sacramus.

Publicas res o! quoties redemit
Dirutas diris gravibusque fatis;
Sic Deus vult, ut sit imago Regum
Et decus aevi.

Literas, ipsi gravium laborum
Dulce lenimen vacuis in horis,
Utiles artes pariter favore
Promovet almo.

Quaeque pars regni viget atque floret;
Inde dum tali Domino fruuntur
Saxones, altum feriunt tumente
Vertice coelum.

Sic Deus summus seriem dierum
Augeat Regi! recreet senectam
Hanc SUAM illustrem placida et perenni
Prosperitate!

